

Broj: 03-02/1-3278/23 JKB  
Sarajevo, 07.06.2024. godine

**BOSNA I HERCEGOVINA  
FEDERACIJA BOSNE I HERCEGOVINE**

**UNIVERZITET U SARAJEVU  
Ul. Obala Kulina bana br. 7, Sarajevo**

**UNIVERZITET U TUZLI  
Ul. Dr. Tihomila Markovića br. 1, Tuzla**

**UNIVERZITET U ZENICI  
Ul. Fakultetska br. 3, Zenica**

**UNIVERZITET U BIHAĆU  
Ul. Pape Ivana Pavla II br. 2, Bihać**

**SVEUČILIŠTE U MOSTARU  
Ul. Trg hrvatskih velikana br. 1, Mostar**

**UNIVERZITET "DŽEMAL BIJEDIĆ" U MOSTARU  
Ul. Sjeverni logor bb, Univerzitetski kampus, Mostar**

**PREDMET:** Poziv za informisanje studenata  
o novousvojenim dopunama Zakona o radu

Poštovani,

Obraćamo Vam se s ciljem informisanja i saradnje sa vašom institucijom povodom nedavno usvojenih dopuna Zakona o radu u Parlamentu Federacije Bosne i Hercegovine. Naime, Parlament Federacije Bosne i Hercegovine usvojio je Prijedlog Zakona o dopunama Zakona o radu (Predstavnički dom 22.04.2024. godine i Dom naroda 16.05.2024. godine), a isti je objavljen u „Službenim novinama Federacije BiH“, broj: 39/24.

**SVEUČILIŠTE U MOSTARU**

Primljeno:	12.06.2024		
Org. jed	Broj	Prijava	Vrijednost
01	3112		

Zakonom o dopunama Zakona o radu, kroz dopunu postojećih pravnih rješenja, reguliše se rad studenata na obavljanju privremenih i povremenih poslova. Dopune predviđaju da se ugovor o obavljanju privremenih i povremenih poslova može zaključiti i sa studentom, odnosno sa osobom upisanom na akreditovanu visokoškolsku ustanovu koja studij pohađa redovno, vanredno, učenjem na daljinu ili kombinovanjem ova tri modela studiranja, u skladu sa propisima kojima se uređuje visoko obrazovanje u Bosni i Hercegovini, odnosno Federaciji Bosne i Hercegovine.

Navedene dopune Zakona o radu omogućavaju angažiranje studenata za obavljanje privremenih i povremenih poslova koji nisu sa povećanim rizikom, kao što su sezonski i pomoćni poslovi, sa punim ili nepunim radnim vremenom, u skladu sa važećim propisima iz oblasti zaštite na radu.

Naglašavamo, da ovakav način angažmana studenata neće imati negativne implikacije u smislu zloupotreba (sive ekonomije) niti će ugroziti prava ostalih studenata. Radi se o zaključivanju ugovora o radu za sezonske i pomoćne poslove, koji nemaju karakter stalnog radnog odnosa, te neće usložnjavati administrativne postupke kontrole radnih odnosa, niti će imati implikacija u pogledu primjene zakona iz oblasti poreske politike.

Također, primjena Zakona o dopunama Zakona o radu će pozitivno uticati na mogućnost zapošljavanja i tržište rada u Federaciji Bosne i Hercegovine, jer će poslodavci lakše moći zadovoljiti potrebe za ovakvim oblikom radnog angažmana.

Imajući u vidu navedeno, molimo vas da, u skladu sa vašom nadležnošću, informišete studente o navedenim dopunama Zakona o radu, kako bi bili adekvatno upoznati sa novim mogućnostima radnog angažmana.

S poštovanjem,

